



03531

玳瑁
琥珀
石
璠

山
石
金
石

庚子春與沙先生執訊來曰子許序吾詩二十

餘年矣今兩人俱年衰而吾詩適又編成子其
償諸責哉余伏思先生不必以詩傳者也先生
之詩又不必以序傳者也然而先生雖官尊雅
好吟詩余少所伏膺獨嗜先生之詩在當時所
以欲序而未遑者原擬積歲月工吾文以宣寫
懿美而不意先生之詩日進而吾文日退則敢
不就吾所能言者及今述之爲讀者先乎嘗謂

澄碧齋詩鈔

序

一

千古文章傳真不傳僞故曰詩言志又曰修辭
立其誠然而傳巧不傳拙故曰情欲信詞欲巧
又曰神也者妙萬物而爲言古之名家鮮不由
此今人浮慕詩名而強爲之旣離性情又乏靈
機轉不若野氓之擊轅相杵猶應風雅焉先生
之詩其神清其韻幽曲致而不晦於深直言而
不墜於淺沈隱侯稱斯文如日月雖終古習見
而光景常新陸魯望稱張承吉善題目佳境不

可刊置別處此爲才子之最也能之者其先生
乎先生立朝有風節仕外多惠政余疑其不屑
爲詩以詞臣改臺諫司倉司關再司刑獄屏藩
三省走燕吳楚越蜀江閩海萬餘里余疑其不
暇爲詩乃每落筆而乙乙抽思有專門名家所
不能到者然後嘆白太傅蘇玉局一流代不乏
人而轉覺當年之房杜無詩李杜無官爲可惜
也余半世山居視先生勲高而望隆殊不相侔
澄碧齋詩鈔 序 二
然垂髫時卽隨先生入泮弱冠後追步詞垣晚
年又同奉大耋親終養林泉五十年來數當時
朋輩零落殆盡而此二人者猶能白髮婆娑各
寄一編相悅以解相倚以傳嗚呼豈偶然哉昔
白公與孔子論微言曰以水投水何如孔子曰
淄澠之合易牙能嘗而知之余因讀先生之詩
而愈有味乎聖人之語也錢唐館後學袁枚拜
序於白門之小倉山房

自古名世挺生皆以助流政教宏濟艱難其事業旣已赫咍一時卽莫不有鴻文偉製以導揚其懿鑠而宣暢其鬱湮唐虞之賡歌尚已成周文治大洽天保采薇生民清廟伐木之朋友卷阿之君臣授簡抽毫其人斯在豈徒曰發憤之所爲作哉漢晉以還匡劉以經術馳聲天祿羊杜以儒雅坐鎮方州唐推燕許大手筆振藻於前嗣有李杜韓白諸鉅公扶輪於後宋涑水相州廬陵眉山其人竝勳節爛如亦皆有等身著作元明而下率循是軌蓋有文不稱質者矣未有根本大而枝葉反不繁茂者也老友璵沙錢先生少負奇姿長益鏃厲心有智珠之妙手如天馬之行其齒於鄉也爲名諸生通籍

澄碧齋詩鈔

序

一

爲名進士迨入翰林擢臺諫以直節膺

主眷巡視臺灣觀察常鎮隨陞江臬晉蜀藩以太夫人春秋高重塵

聖懷調江右再調八閩如今已十餘稔矣生平雅好吟咏總角時卽以五字受知邑令楚北胡公期以公輔洎乎上計春官讀書中秘聚窟於鳳麟之洲吟嘯有鷓鴣之侶繡衣持斧燕寢凝香耳目之所消搖山川之所蕩瀟固宜其春收肺腑秀出鬚眉者矣詩得中氣高不入粗深不墮晦質而不俚巧而不纖在三唐兩宋間古體力追杜韓近則香山眉山左挹右拍蓋惟有真性情而後有真經濟有真經濟必自有真文章頌其詩者但覺

金春玉應水流花開成如容易而正不能到得似不思而卒無以易自古來名世之文洋洋灑灑都從胸次間流出非有意爲鉤章棘句而自無不出人入天者是集之成非徒曰錢先生之詩其卽前所稱三代以下至於元明諸先正凡以經濟爲文章者之詩也當時敬禮後世子雲屬有解人當不河漢先生之屬敘詩也來書云平生總角知交惟嵩霞與足下今嵩霞作古舍足下其誰任之噫當代不乏巨手乃馳書三千里外向燈寒壘淡之老強拉之使嘗其旨否發祥縱竭燥吻禿柔翰亦何能窺測於萬一獨念少年時偕先生與嵩霞蔡方伯應彪及二高兄弟瀛海瀛洲同築文壇喧呶里社妄想吾輩三數

澄碧齋詩鈔

序

二

人推排人間竟成舊物兩公整頓事了終必還山二高喜亦無恙比時當作北墅五老各攬白鬚絮絮話曩時鯨吞蟻鬪情景當是一樂孰謂星流雲散且四十年嵩霞頓作古人而小子迺至爲先生糝糠先導語有之雖有絲麻不棄菅蒯是序也先生之辱抑小子之榮也詩十二卷別集二卷附焉同學愚弟申發祥拜手謹書

澄碧齋詩鈔十二卷別集二卷方伯仁和錢公之所著也公年甫壯以高第進士入史館當是時文名振天下天下傳誦其所試文章而公性尤好爲詩穿穴卷籍役隸象態盡有一代作者之體及入宦途更任內外所著益富蓋大者宣上德達民情敷陳豈弟綢繆忠愛其聲廣大寬平旣直且廉優游愉懌灑灑乎可以被金石而備雅樂其次則僚友贈答懷人感舊敦伐木之雅而伸采葛之好至於瑣細名物託興取喻莫不舉類邇而見義遠令人想見道德之崇深源流之肆大焉乃若游覽名山大川以接於中以足仁知之樂則公使舟車所閱瞿塘巫夔驚江危棧之險北固金焦雲水之壯鍾阜秦淮之秀麗匡廬武夷仙釋之棲南極海外鯤身鹿耳之阻蠻烟瘴雨日月出陟之鄉古騷人所未嘗至者公皆得爬搜剔抉窮極其趣而公生平之豪

儻環瑋鬱積蜿蜒者至此乃無所芥蒂而一洩
之故其海外諸詩尤爲雄偉矣夫人之不足任
大事者氣不足也風波之險江湖恒惴惴焉讀
公前後渡海諸什談笑酣嬉雲濤晦冥汨沒之
中不啻狎蛟龍如蝨蜴睨大海猶杯水也其度
量超越雄於天下如此天下之事亦孰得而難
之者哉夫古之以文章成名於後世者大抵皆
倜儻非常之人也彼世之小丈夫聞見淺陋神
識猥瑣妄思琢雕字句以名於世其亦不自量
已哉治下原任福寧府儒學教授朱仕琇謹序

澄碧齋詩鈔

朱序

二

校閱姓氏

門下士武進錢維城



長洲蔣元益 時菴

福清張甄陶 惕菴

昆明錢士雲 龍池

江蘇高玉駒

歙縣江權 玉尺

貴州李梅

文登孫爾周

廣東何毅夫

武進劉星燁

安徽汪澎

懷寧張裕舉

上海陸錫熊 耳山

門下士長洲吳泰來

長洲秦大成 蒼園

元和張書勳 酉峯

寶應孫全 敞

昭文張敦均 二文

常熟陳桂森 香岩

仁和余大觀 松屏

蒙古清泰

長白瑛寶 夢禪

錢塘潘

祁

南皮張德城

全椒郭元澹

元和張燾 濟青

澄碧齋詩鈔目錄

卷一

漁塘野唱

古今體詩七十二首

卷二

觀光草

古今體詩四十九首

卷三

山水屏間集

古今體詩七十一首

卷四

行役集

古今體詩七十七首

卷五

榮遇集

古今體詩九十首

澄碧齋詩鈔目錄

卷六

思補集

古今體詩五十四首

卷七

縱遊草

古今體詩六十五首

卷八

縱遊草

古今體詩九十三首

卷九

虛徹集

古今體詩六十三首

卷十

驚候集

古今體詩八十五首

卷十一

采蘭集上

古今體詩一百二十五首

卷十二

采蘭集下

古今體詩一百二十九首

澄碧齋詩鈔

目錄

二

陸璋寫



澄碧齋詩鈔像

言以道粹寶訖學諸外

臞內文與神明俱孟縣

有韓眉山有蘇文章事

業曠在何如惟妙唯肖

帶經而鉏

小門生朱景英敬題



澄碧齋詩鈔卷一

仁和 錢琦 璵沙

漁塘野唱

漁塘余所居之里也塘附郭有山水橋梁有邨落
塵舍每花晨月夕輒與里中翬屐卽景拈題少年
樂事於斯爲最顧舊稿都散佚偶於破紙堆中檢
得若干首略加刪訂彙爲一卷名曰野唱者比之
牧吹樵歌無當風雅抑并不知聲律爲何物也

遊雲居山寺

仄徑依長堞危巒切太虛寺僧尊佛足寺有中峯山鬼
和尚遺屐

護仙書寺有趙吳興寄中峯和
尚手札墨蹟珍爲世寶縱目江湖小藏身烟樹

澄碧齋詩鈔卷一

疎便思凌絕頂雲外伴雲居

漁塘晚步

青山昨遣白雲招閒踏東風破寂寥竹院行逢僧補衲
酒樓坐聽客吹簫歸禽覓樹盤空野流水浮花出小橋
乘興不知村遠近冷烟寒雨暮蕭蕭

踏青詞

裙腰草長碧堤斜擬到前村問酒家捲起風簾驚燕子
一雙飛上小桃花

家家插柳柳烟清沙路含風軟綠平愛殺小橋流水外
春紅萬樹鳥啼聲

秦亭山下白沙泉一掬清波止水鮮知有人家隔岸住

竹林疎處起茶烟

前溪帽影散匆匆滿路遊人唱晚風多少攜來殘酒榼
擔頭齊插映山紅

擬古

東園桃李花枝條何脆弱年年二三月顏色吐灼灼五
陵年少兒千金縱揮霍障以白玉屏酬以黃金杓不解
花落愁但逞花開樂長令松柏樹寂寞老巖壑

松柏老巖壑力怖萬牛重雲臥本無心寥寥天宇空時
於風雨中間作金石弄豈無樗與櫟臃腫愁難用一朝
遇匠石採向明堂貢

明堂需異材工師得大木感深知已難奚忍貪庸福朝

澄碧齋詩鈔

卷一

二

爲大厦支暮爲廣厦築功成不敢居效用乃益篤出處
豈殊途貞心聊自勗

古別離

促促何促促勸郎行莫速待尋懷夢草一路隨郎宿
郎淚流妾枕妾淚濕郎衣不愁妾不守但愁郎不歸

自君之出矣

自君之出矣妾心如轉轂一日九迴腸更比黃河曲

自君之出矣爲誰膏沐施君歸看妾貌非復別離時

自君之出矣瞥見風吹絮願君莫似他到處黏泥住

自君之出矣千山復萬山春風何念妾吹到玉門關

荷花

永日當軒白名花入座紅兼葭傳遠契色相現虛空翠
滴雲邊露香飄雨後風亭亭原不染何必問泥中

蝶

得氣來村裏

滕王蝶圖有各村裏來者見酉陽雜俎

翩翩風韻嘉多生仙

是骨

葛仙遺衣化為蝶見羅浮山志

落魄夢爲家調粉朝棲露尋香午

抱花忽逢舊侶伴飛逐小樓斜

讀韓孟聯句詩

李杜老去騷壇空昌黎後起推豪雄自言低頭拜東野
願與上下追雲龍偶然鬪險出奇語分曹決勝排軍容
城南短兵接狹巷戈矛劍戟森奔衝閃爍不辨神與鬼
寒光一片摩青銅李翱評詩深許孟下闕二謝猶兒童

澄碧齋詩鈔

卷一

三

東坡又言佳處少兩耳不耐號寒蟲我來展卷幾回讀
恍見振筆相迫從鐫鏤造化等兒戲激滌萬物歸牢籠
遲如懶蠶織春繭疾如病葉吹秋風險如峭壁墮危石
瘦如寒原撐孤松有時拍案大叫絕霹靂夜落蛟螭宮
氣盡語竭轉鬱怒軒然波起流洶洶旗鼓相當真勁敵
長城那許偏師攻後人論詩手眼別要於所近尤推崇
嗟我不識詩畔岸習聲母乃譏頑聾十年讀書恨已晚
況復塵俗縈心胸鈍石誰能磨銛鋒凡骨何由尋仙蹤
丹還九轉妙元功竊願鍊火來隨公罡風一吹海濤立
鴻飛天外雲濛濛

張顥齋

元觀

蔡嵩霞

應彪

過訪畱飲

未覺秋光老秋光暗暗催晚風木葉脫細雨菊花開節
指重陽近人欣不速來平生幾聚首相對且銜杯

菊花四首同韻齋嵩震作

紅菊

久荒三逕菊籬殘瞥見新紅染露團燒眼欲空秋色淡
烘春不怕曉風寒霜天碎墮晴霞片爐火初融絳雪丹
絕似陶公沈醉後酡顏斜倚碧闌干

紫菊

離離艷色鬪霜毫紫玉前身價獨高細簇錦苞寒芍藥
濃含露蕊濕葡萄霞杯香汎仙人酒金帶光生學士袍
為取牡丹閒較量魏家風韻近麤豪

登碧齋詩鈔

卷一

白菊

淡到無言不自知畱將真色寫秋思滿城風雨雲千朶
荒逕田園月一籬有客煉丹香習習劉生以白菊汁
鍊丹見抱朴子
人送酒影遲遲興來折向頭邊插錯認霜華上鬢絲

藍菊

雲藍剪碎帶霜鋪點綴西風入畫圖抱去天光低淡蕩
杜詩上有蔚藍
天垂光抱瓊臺洗來露水濕漫糊謝翱洗藍曲夜
寒洗藍滄露水也知
著色秋難似李賀詞染羅藍
著色秋相似試問終朝採得無風世石
花千歲蕊是誰移種出仙壺崑崙山外有沙之地生石
藍花千年一開見搜異錄

聞鴈

瑟瑟荻花洲風寒鴈叫愁五更霜信曉萬里月華秋落

葉亂寒砌孤礎雜小樓應含關塞恨不爲稻梁謀

題沈石田畫松長卷

霹靂一聲天池裂老蛟怒起蟠雲出化作支離病叟形
雙肩在腹頂在膝須臾盪激風輪顛亂捲寒濤飛瑟瑟
漫糊滿地尋無蹤翻身縮入畫師筆

題唐六如畫冊二幅

萬壑松風

萬山深復深路覓僧歸處恍惚聞濤聲風吹古松樹

清溪垂釣

魚樂我不知我樂魚知否溪岸落斜陽釣竿猶在手

孤山謁林處士祠

澄碧齋詩鈔

卷一

五

風暖日遲遲閒尋處士祠竹籬村店酒柳葉釣船絲鶴
去憐孤影梅開想舊枝憑誰攜鐵笛坐對夕陽吹

吾子行共吹鐵笛于孤山見楊琚山居新語

禽言

春去也畱難住時乎不再來浮生莫自誤

布穀布穀及時力作官府催糧速

提壺盧沽美酒夜飲一石日一斗萬事無如盃在手
得過且過世間多少不如我

行不得也哥哥山有網羅水有風波路茫茫如之何
不如歸去有水可飲有山可住鴻飛冥冥弋人何慕
姑惡姑惡姑未必惡汝盡汝心姑心自樂

脫了破袴好裁新布莫脫破袴新不如故

春柳

黃芽碧玉翦初齊歷亂長堤接短堤十里水雲芳草外
半樓烟雨畫橋西似曾識我青開眼忽漫隨風綠過溪
一路釣船歸去晚絲絲牽惹夕陽低

綠陰

芳信驚紅盡濃陰愛綠鮮輕翻風掩冉微漏日貽妍處
處青回眼枝枝翠織烟朱樓藏不露繡陌斷仍聯映水
都成浪排雲忽到天塵清騎馬路夢穩釣魚船露滴仙
人掌花輸美女鈿宜來新雨後小立曉風前更較春光
好因知淑氣旋共攀論昔別重到悟前緣掩映疎籬外
澄碧齋詩鈔卷一

六

低迷古渡邊根株培護好清蔭自年年

采蓮曲

采蓮復采蓮采蓮塘秋聽歡低聲語教儂採並頭

遊飛來峯

尋山不見山但聞泉聲咽及到流泉處奇峯露截巢其
上或斷聯呀然仙掌裂其下多嵌空天風吹不折造化
工雕鏤雲烟互團結小亭坐移時松濤落寒雪汲泉煮
新茗消盡熱腸熱

西湖多名山到處神超越塌來茲峯下益令清興發衣
染水底雲足踏松罅月樵唱出谿舂鐘聲答林樾恍惚
夢遊仙豁然換凡骨

過西溪小憩村舍

偶尋雲外逕忽遇橋中仙坐我疎籬下烹茶斷石邊隔
橋橫小艇繞屋響流泉好待梅花放重來了宿緣

菊花

冷逼一籬霜疎枝鬪晚芳瘦來徧有悲淡極不矜香風
雨重陽近田園三逕荒天應憐寂寞放取殿秋光

同願齋嵩霞臬亭看紅葉卽事

長空霽烟霧幽意何淒悄乘興訪東臬挈伴踏清曉是
時秋云暮萬木就枯槁愛茲楓林葉冷挹霜華飽灼如
夭桃鮮爛若晴霞繞曲折緣樹行一路恣幽討信步不
知遠誤到境逾好忽逢田舍翁招邀入深篠茆茨三五

澄碧齋詩鈔

卷一

七

間夾以翠竹篠到門引客入禮法互草草老甕斲新開
山莊地不掃橋攜簷前枝魚網門外沼遠岫出重雲疎
林鳴雜鳥俛仰身世忘乾坤草亭小引觴漸頽然夕陽
沈樹杪拂衣辭主人夾路晚烟裊涼颺醒醉眸枝枝紅
未了矯首發長歌清音出林表良會亦須與美景詎常
保不見紅葉紅轉眼隨秋老寄言素心人靈根慎自葆

晚眺

十畝意閒閒柴扉晚不關斷霞銜日落孤鳥背風還天
淨真如水林疎忽見山憑誰細領略秋在有無間

折楊柳

折楊柳挽郎手問郎幾時歸郎不言但回首

折楊柳怨楊柳如何短長條祇繫妾心頭不繫郎馬首

樹頭烏

樹頭有兩烏烏各抱一雛一烏忽飛去藐爾畱遺孤一
烏代哺之視與已雛如踰時飛烏返意欲挾雛俱似恐
遭烏怒輾轉生良圖翻身入空際引類來相呼豈料呼
之去雛亦忘故吾毛羽矜豐滿逐隊遊江湖烏去雛猶
在烏來雛轉無不如樹頭烏與雛日相於

梅花

孤根夙世託寒塘生占東風第一芳小露行藏憑水月
塵經盤錯飽冰霜人間有地偏宜冷天下無花敢鬪香
不是廣平莫漫賦爲他鐵石是心腸

澄碧齋詩鈔

卷一

八

疎枝老幹影橫斜寒意纔衝便欲花修到幾生仙子骨
驚迴殘夢美人家若論標格清真絕時露精神瘦更加
從此遞傳風信去乾坤無地不繁華

青松蒼勁竹檀欒合與幽姿結古歡流水小橋雲澹澹
亂峯巉石雪漫漫性耽寂處真成癖力挽春回獨任難
直待和羹調鼎去不教風味脫寒酸

有客巡檐興正饒一林春意滿冰條呼舟載鶴迴孤嶼
冒雪騎驢過灞橋吟到詩篇香字字折逢驛使路迢迢
樓頭且莫輕吹笛畱與江城伴寂寥

綠牡丹

石家樓頭曉妝殘石家樓下香魂寒化作綵雲飛不定

東風吹上玉闌干

春波一掬翦溪橋濃染枝頭態絕嬌不辨是花還是葉
淡烟疎雨碧迢迢

奉陪胡石圃師小集皋亭山下

勝地許攀躋東風引杖藜綠陰藏小閣紅雨暗前溪坐
石看雲起提壺聽鳥啼夕陽歸路晚人影散橋西

春去

春從何處來春又何處去消息問東風東風悄無語獨
立倚空庭飛飛落柳絮

夏蟲吟戲效山谷演雅體

蠢物何知感時而動機智百出得意自鳴豈知

澄碧齋詩鈔

卷一

九

轉眼西風形銷骨化矣竊以人世勞勞大率如
是爲作夏蟲吟知不可與語冰也

採花釀蜜蜂喧房果羸負子依空桑蝸牛兩角藏小舍
蜴蜥五色緣高墻亦有百合化蚯蚓時或車轍當螳螂
蝙蝠出洞證仙果蟾蜍奔月流寒光蜻蜒款款翼貼水
蝴蝶栩栩鬚粘香蛛絲巧吐織羅網螢火微照窺書堂
營營者蠅止於棘兢兢者虎視其旁草堂蛙鳴恣鼓吹
槐根蟻鬪爭豪強毛蠹蠹葉類蠶食飛蚊聚市驚雷碾
蟬聲未歇風漸起但聞四壁啼寒蟬

秋白紵詞

星河耿耿月吐光綺疏錯落華燈張雲駢四座花兩廂

左肴右馘前玉觴金釵排列十二行何以耀首金鳳凰
何以飾鬢雙鴛鴦鏗鐘伐鼓吹笙簧瓊瑜鋪地青鸞翔
鳴璫振珮諧宮商驚波急雪迴風颺爛若翡翠頰復頰
分嬌送媚何郎當三五在東夜未央停宮罷徵聲繞梁
肅金鈿兮整霓裳私攜所歡歸曲房推窗笑指織女忙
河邊夜夜織七襄一年一度空相望

嵩霞招同中南坪

發祥

高匯川

瀛海

懸圃

瀛洲

兄

弟遊韜光庵率成長句

欲雨不雨烟濛濛欲晴不晴雲重重西風一吹曉寒栗
日脚倒射窗櫺紅故人相招事幽討筇鞋踏過飛來峯
古菴隱隱露雲際梵音時落松篁風磴石夾路蘚斑駁
澄碧齋詩鈔 卷一 十

竹筒引水泉琤琮團團有若蟻轉磨曲曲或似螺旋空
登巔放眼天地闊萬象一氣紛沖融左控錢江右滄海
銀濤雪浪驚奔衝西湖勻水獨澄徹淨如美女修冰容
湧有小池依佛座游魚五色隨螭龍老僧對客坐說法
拈出妙義開南宗機鋒互鬪懸河落瀚浣腸胃開心胸
乘興而來興盡返回看舊路斜陽封我夙愛山如愛友
勝追況復隨諸公相期努力賈餘勇來朝更聽南屏鐘

遊南屏山

朝光麗華薄微風漾澄波相與踐宿約緩步凌巖阿仄
徑何盤屈老樹紛婆娑飛泉漱石齒寒翠沈烟蘿兔聽
寺鐘起側見山雲過卽事已可悅賞心良獨多毋爲羈

塵網白日空蹉跎

登葛嶺晚宿清隱菴

性癖愛遊山足力誇健猛況逢風口佳好客不待請重
蠟謝公屐竟造葛仙嶺徑路鬱以盤磴石亂復整雞犬
含仙氣松杉弄寒影是時霜天高望眼得遠騁湖波滢
澄鮮山容凝秀靚雲外落樵歌柳邊散魚艇有若展畫
卷妙趣不一領老去煉丹人刁圭沈古井神仙縱難求
世事須早省不見半閒堂金碧埋荒梗祇餘西風寒啣
啣吟蛩哽人生無百年行樂須臾頃躑躅雖涉獵猶勝
燭夜秉下嶺繞湖歸斜陽落樹頂隔岸一燈紅佛光露
窗罔說法尋老僧妙悟入圓穎栩栩蝴蝶化嗒然萬慮
屏

澄碧齋詩鈔

卷一

十一

孤山探梅

簷鵲聲喳喳晴光弄枕上清遊興未闌攜手踏青嶂石
角撐孤亭山骨斲巧匠四面繞梅花杈枒互背向緬昔
林處士幽懷何高曠花前小結廬冰雪寄遐尚我輩破
寒來正及南枝放峯峯吹古香樹樹含清況巡檐漫索
笑如與高士俯看山復看花所得出所望人生苦鹿鹿
容易墮塵障安得招鶴來騎之上崑閬

雪

大界玉壺清風迴雪滿城竹斜榦折梅冷暗香生斷
砌填無跡疎窗打有聲偶從天際望歷歷遠峯明

雪霽

暖日碎瓊窗明倍昨宵前村增酒價殘溜落冰條風力寒偏勁烟光濕不消天然摩詰畫誰對夕陽描

西湖春泛

畫鼓飭簫夾翠堤一篙撐我裏湖西紅塵不到清涼界碧樹春風鳥自啼

四山濃染黛痕齊倒瀉晴光映碧隄何處寺鐘烟外起聲聲吹過斷橋西

堦下雞冠花盛開

涼風從西來爽氣絕塵壒佳卉應秋候刷羽凝鮮采有如漢郎官執戟瑤墀外萬象互呈狀倏忽窮變惟或如

澄碧齋詩鈔

卷一

十三

杜鵑啼點點淚痕在或如黃鶴遊片片金光碎或如鴛鴦巢比翼沙頭曬或如鳳凰羽五色高岡翻仰者昂如飛俛者息如喙直者起如舞側者塌如鍛頭角露查牙爪背矜豪怵風雨作鬪場勁敵兩不敗有時昂藏立益肆雄傑態主人酷嗜花捲簾坐相對如入波斯船珊瑚雜珠具寶色炫陸離就中難簡汰時方天氣寒百草都荒穢茲花抑何奇經霜愈晻藹造物固有意秋色償我輩樽中酒未空一一爲花醉

種菊

西風吹野逕殘葉脫林梢春色應難問秋光莫漫拋傷籬鋤短鋤冒雨出芳郊滿把連根剷盈筐帶露捎盡艾

蕙苾蕊近護海棠巢
排立如編竹連茹
類拔茅引泉滋
灌溉厥土辨肥磽
送酒人何在題
饒節漸交瘦枝
霜挺特寒影月分
淆朶朶黃舒甲
離離錦脫苞
莢莢香好共佩
松老合同坳中有
長生訣仙方願
借鈔

題元人畫冊二幅

萬壑流泉

寒雲疊疊鎖重巒
百道飛泉散碧湍
爲語急流須着意
出山容易入山難

谷口採樵

朝攜巨斧上巉岼
響落丁丁夕照寒
添得肩頭擔荷重
入山容易出山難

澄碧齋詩鈔

卷一

澄碧齋詩鈔卷二

仁和 錢琦 璵沙

觀光草

少日足跡不踰井里丙辰丁巳兩與計偕於山見
泰岱之高於水見江河之大於人物見京華冠蓋
之多太平風景之盛始覺向之局踰牖下真拘於
墟也易曰觀國之光利用賓於王余才謏劣不堪
利用而聞見自茲一廣矣

北行志別

廿年守蓬蒿不解事行役男兒志四方寧肯戀鄉國朝
來寒風吹庭樹搖撼撼整我箱中衣檢我架上冊古道
澄碧齋詩鈔卷二

三千里悵望勞思積何以副科名茲行庶努力

驪歌喧四座肅衣拜高堂高堂寧忍別詞義故慷慨先
言加餐飯次言慎風霜三復遭際盛報國在文章毋
以老人念老人猶康強語盡聲轉咽涕淚沾衣裳回頭
不再顧恐斷遊子腸

執手別朋友回身呼僮僕落日登行舟炊烟起村屋孤
帆漾晚紅輕篙點寒綠昔爲蝸守廬今爲鳥出谷榮名
匪敢希乘時要自勗雲樹鬱迢迢長途引遐矚

渡太湖

元氣轉鴻濛蒼茫極目空千帆排勁翮一路駕長風水
漾寒烟白山衝落日紅迢迢三萬頃何處辨西東

舟泊吳江喜晤沈禹門

世揚

家赤岸

在培

兩同年

邀畱小集

李郭使同舟

謂嵩

長途數晨夕朝來出吳江停橈傍古

驛故人聯袂來相逢野岸側握手各大笑語絮情脈脈
同是天涯人萍蓬感浮跡樽中酒未空市上魚偶得招
邀追古歡抵掌談今昔爾時意興豪俯視滄溟窄須臾
客迴舟好風吹送北解纜布帆張一繩聯鴈翼兩主人
頽然臥看山月白

渡揚子江同嵩震作

江北江南一水隔潮落潮生流不歇元氣烟燭造化鑪
疾聲砰磕蛟鼉窟我來寒曉雲濛濛長空寂靜天無風
澄碧齋詩鈔卷二

卷二

二

波面劈開帆影白浪頭捲起日光紅誰人小展障川手
孤撐半壁狂瀾口樓市初疑蜃氣噓霜天時有鯨魚吼
別露一峯青微茫峇峇對峙江中央斷碑瘞鶴畱仙跡
古鼎騰龍吐寶光模糊一片烟中樹舟人指是瓜州步
長天那信有波濤近岸還容狎鷗鷺兩岸人家雁齒分
回頭悵望但烟雲憑君收拾詩囊裏自古江山助有神

上天妃閣

晚宿清江浦朝上天妃牖軒然大波來倒捲聲鞞怒
馬疾奔騰驚雷亂敲磕其下千丈強其旁兩石夾小舟
如葉輕敢觸蛟鼉脅短篙排森嚴長繩牽雜沓振舵急
就之一線湊恰恰齰然劃水開飛行出巨峽爾時舟師

忙前呼後錯答童僕面如土遽起走忘輟眷言顧之笑
我自用法寧知咫尺間鄰舟遭沈壓云是昨日風衝
波誤觸碇進退兩不及傾翻祇一霎忠信或可憑冰淵
洵難狎揚帆去已遙還顧心轉怯

渡黃河

天宇寥寥空去聲河流曲曲斜常時蒸濁浪有客泛仙槎
日落龍翻窟風迴雁捲沙劇憐春信早紅暖漲桃花

沂水曉發

茆店一燈殘匆匆跨曉鞍月斜人影瘦霜重馬蹄寒
禿樹三叉路長橋百折灘當年春日暮風浴想清歡

望嶽

澄碧齋詩鈔

卷二

三

驅車曉行東復東馬頭飛落青芙蓉毋乃霹靂夜驚天
池龍蜿蜒直上層霄中幻作瓣萼盤盤不知幾十曲一
曲一盤中有天梯石棧森奔衝隱約仙閭近咫尺天門
通衆山不敢峙俯伏如奴傭其上瓊臺玉殿雲縹緲疑
有鸞驂鶴馭來往乘天風是時殘月欲墮猶未墮晨星
幾點光朦朧日觀峯頭雞忽唱赧盤灼爍倒挂扶桑紅
往讀少陵句似恨絕頂好景無由窮何爲面目風霜雜
塵土我來亦復此意空匆匆人間不少佳山水每於勝
地畱名蹤畢竟烟鬟與霧髻但資蠟屐供吟筇豈如巋
然巨鎮冠羣嶽鼓盪元氣摩虛空膚寸出雲崇朝徧長
養萬物成神功俯瞰九點齊州烟屈蟠千歲秦時松衣

帶一條黃河水偉哉氣象真，英雄低徊畱之不忍去。恍
惚路遇騎鹿黃眉翁，導我過雲關引我入星宮。指點七
十二代封禪在，至今玉檢一一猶是舊。時金泥封須臾，
羣真集三撞樓頭鐘。云汝五百年前曾住此，偶萌塵念
一墮三千重。好待丹成九轉凡，骨換仍來耕烟種。草服
侍隨芝童，聞言不覺毛骨竦。風濤狂捲雲邊峯，僕夫揚
鞭過山去。回頭悵望一片烟濛濛。

趙北口

忽見柳毵毵，心驚春意酣。問途知趙北，好景似江南。
山遠澄寒碧，波平滌蔚藍。酒家隨處是，橋畔小停驂。

上學士鄒太和師二十四韻

澄碧齋詩鈔

卷二

四

蓬觀雲霄近，詞林雨露鮮。文章開泰運，名宿領羣仙。抗
志雄三輔，遊神渾八埏。墨花飛玉藻，筆浪湧珠泉。家住
芙蓉岸，身棲日月邊。鑪香袖底染，藜火閣中燃。恭值
龍乘御，欣趨虎拜聯。吉人歌藹藹，王道慶平平。自古艱
遭際，占今叶地天。處囊看豹變，伐木詠鶯遷。分校高懸
鑑，掄文細選錢。披沙金盡揀，引燭墨頻研。展驥輕千里，
游魚盪百川。珠多搜合浦，璞盡剖崑巔。樛櫟原無用，鈞
陶別有權。漫收桃李列，不惜齒牙宣。公本歐陽子，誰爲
邊孝先。吹噓空藉藉，期許轉拳拳。健翮猶息高岡鳳，
自翮器成晚益大。鋼鍊久逾堅，往事風雲幻，深恩肺腑
鐫。西湖堤畔柳，北墅雨中烟。絳帳常如接，焦桐只自憐。

矢懷圖後報努力著先鞭

榜下紀

恩四首

五月朔日對策

鳳御

丹詔曉傳宣射策

金鸞拜舞前筆綵潤沾仙掌露墨花香惹

御鑪烟

蒙恩分賜筆墨

媿無禮樂三千字幸際風雲五百年

宮漏已沈人未散文芒爛爛斗牛邊

午日臚唱

琴絃暖奏午風清黃紙新填淡墨成繞

澄碧齋詩鈔

卷二

五

殿臚傳分甲第當頭雲現應文明

九重咫尺瞻闈闔一日

君王識姓名正值天中時節好蒲青艾綠盡叨榮

六日赴宴

宮壺拜

賜五雲端潤浥瓊林雨露寬奎壁芒寒環北斗蓬萊路

近借春宮

宴設禮部

盤堆紅餅綾齊裹帽插金花杏未殘沾

沐

恩波叨醉酒歡呼傳得滿城看

七日領表裏

敢云黼黻有文章

天散雲霞錦七襄捧去便思裁綵舞織來早已染爐香
光分藜杖宵燃火色映葵心午向陽

領得表紅青色裏大紅色舊日

青衫曾記否勉圖尺寸報
君王

賦得披沙揀金

寶氣鬱森沙中細揀金質原殊五礫秀早毓山岑未
就洪爐鑄先邀大匠尋堅光騰灼煉精采蘊幽深鑿別
畱眞賞搜羅費苦心去聽聲擲地選比芥投鍼耀室徵
祥應鳴山振雅音用教

天府貢奕奕煥瓊林

引

澄碧齋詩鈔

卷二

六

見養心殿蒙

恩改庶吉士恭紀

閩闔九霄開親瞻

雲日來質應慚草莽籍許注蓬萊仙路追前輩清名近
上台自今香案側長奉萬年杯

朱子有靜廉二字石刻張覺齋先生得之寺壁中

摹以名齋敬賦長句

茫茫大道荒蕪久九鼎一絲誰挽手紫陽振起數千年
大力負之趨而走靜廉兩字卽心箴濡染淋漓筆運肘
如何神物天不憐埋沒泥沙雜瓦缶破壁頽垣歲月深
霜天夜夜華鯨吼覺齋先生雅好古寶蹟冥搜及草藪

有若孔壁出遺經造化精靈重晰剖剗剔苔蘚露晶熒
熊熊光上沖牛斗繭紙揚出懸書堂兩峯對峙危崖陡
憶昔周宣石鼓詩岐陽獵碣殘蚪使非鄭公置朝中
斯文已喪誰傳後先生此舉實相侔頓還舊跡良非偶
乃知幽光鬱必發鬼神呵護蛟龍守此字奇如神禹碑
鸞漂鳳泊鎮岫嶼此齋豁如白鹿洞柳風梧月清窗牖
接取先儒一瓣香先生與字兩不朽

重九前六日同湯稼堂

聘

馮咸六

鈐

金以寧

焜

邵

椒石

祖節

諸同年集陶然亭分韻得濃字風字

尺五城南路陶然訪舊蹤客聯一字雁僧打六時鐘地

關山容淡亭空野氣濃凭闌天際望紫翠鬱重重

澄碧齋詩鈔

卷二

七

皇州佳麗地到此卽山中竹塢茶煙白藤床佛火紅年
華秋易老景物畫難工好待重陽節來吹落帽風

九日同人重集陶然亭分韻得南字

孤亭鏐鏐接禪龕重趁朝晴出郭探一路荻花搖水白
半空鴈字寫雲藍韶光到眼秋偏潔時序關心酒易酣
多感昨宵風雨好染成山色似江南

閏九日菊花盛放同袁簡齋

枚

孫芥舟

廷槐

徐璞

齋

景熹

小集寓齋

久經風雨老莓苔籬菊蕭疎著意開我輩自憐秋色去
好花遙識故人來題糕不厭重搜字有酒何妨數舉杯
難得良宵天假與寒蛩四壁莫相催

憶昨寄顛齋嵩霞

憶昨弄文翰騰踏少年場往來名下士意氣各飛揚就
中可畏愛尤數蔡與張張子侄永嘉謝公山水鄉以此
萃靈秀發爲古文章詩才麗以則金石鳴鏗鏘餘藝及
書法臨摹兼晉唐譬如波斯船百寶皆中藏蔡子獨奇
崛刻輾凌秋霜丰裁露圭角利刃銛鋒鋟有時肆雄談
奇險闢混茫事事與張敵旗鼓兩相當譬如豐城劍光
氣騰斗芒我才最謏陋奚止上下床柄鑿忽相入一字
聯鴈行彼此不解故密覺蘭茝芳外人不敢問但訝狂
夫狂自我來京師香案侍

玉皇張子還東甌蔡子客南湖詩酒會旣邈魚雁信亦
澄碧齋詩鈔卷二

八

荒忽忽昨日事渺若乖參商宿雨夜初霽虛堂生新涼
時或夢見之覺後空悼惶蔡子不凡馬冀北早騰驤張
子亦神駿一蹶豈卽僵聚首會有期祇愁毛鬢蒼短章
寄二子車笠母相忘

題明貴陽司馬楊公以成傳後

金陵王氣漸銷沈滿地西風慘夕陰竟欲回天憑赤手
有時酬士散黃金山川盡入芻蕘策烽火難銷鐵石心
悵望睢陽遺恨在英雄長此淚霑巾

十萬欃槍動地塵黃沙白骨間青燐身經盤錯畱堅節
時到艱難仗小臣半壁空城三尺劍九原長路一家人
疆場凜凜餘生氣不待東風草自春

諸襄七

錦

前輩出示梅石河清兩詩集賦呈二章

抱得珊瑚骨來遊六六天七篇窮柱下兩度種芝田

先生

雍正甲辰進士館選乾隆丙辰復以宏博徵入詞林

孤石橫枝瘦秋河止水鮮雲

濤驅湧處想見筆仙仙

我浙多名士文壇振雅聲舊原推秀水

竹垞前輩先生同里人

今

及見先生老幹香逾淡澄波境漸平新排容乞與添貯

玉壺清

聖主臨雍禮成恭紀

崇儒重道勵乾乾詠吉

親臨頰壁前禮樂輝煌文教地詩書黼黻太平天九華

日暖

澄碧齋詩鈔

卷二

九

龍章麗五色雲移

鳳羽鮮到處

恩波沾浩蕩藻花芹葉翠年年

圖書應瑞世熙熙

帝作之君兼作師性道百年開橐籥危微數語挈綱維

講中庸及禹謨

九重自擁皋比坐三舍均霑化雨時千古淵源垂統緒

尼山一脈是聞知

夔倫堂啟

六龍開觀聽圓橋鼓篋來雲路遠張鸞鳳翼

鄉試廣額

天工大集棟梁材文章光爛冲牛斗雨露

恩濃徧草萊長此麟遊與鳳舞乾坤景物日昭回

大雅扶輪

帝道光斯文得氣

聖恩長槐枝老挹仙雲潤石鼓凹承

御墨香五百昌期龍虎會三千子弟鷺鷥行親逢

盛典生何幸願借宮池作壽觴

聖主耕藉禮成恭紀

服來葱牯曙光中肇舉

親耕典禮隆稼穡源開天地寶農桑利溥

帝王功旌旗載道和風拂阡陌連陞淑氣融應候鳥啼

菖葉綠迎

澄碧齋詩鈔 卷二

鑾山簇杏花紅

十

三推春滿東南畝一撥陽回造化工孚甲吐青烟漠漠

土花綻紫雨濛濛閭閻要使倉箱足

壇廟還期簠簋充三十六禾歌唱處嵩呼拜舞慶年豐

花市

江南二月半萬樹齊著花京城三月半百草纔抽芽我

來斜街行市物爭諠諱有古招提粲粲列春葩桃花

紅灼灼曉色凌丹霞海棠嬌無力睡態時欹斜徑尺老

松樹屈曲龍盤拏亦有蘭與蕙光風轉窗紗其餘紛無

數紅葉爛交加障以紙屏風夾以竹籬笆但宜滋雨露

那許侵風沙或云此人力羯鼓勞幾摠天公不自主攜

藻敷芳華寫生神采少翦綵風韻差豈如春在手隨意
恣繁奢與花訂後約三三來停車每月逢三爲市

晚香玉

森森玉苗秀庭除密抱香心傷晚舒帳底風情欺茉莉
擔頭聲價重璠璵半甌溼露更殘後一片梨雲夢醒餘
不似凡花爭向熱枝枝零落夜涼初

玉螭橋看荷

炎蒸日日靈風沙局局縮縮如因螭雙輪朝驅經西華
遍地忽湧金蓮花我初未到花若識冉冉預送香風賒
須臾引入花深處紅衣綠扇紛撐拏不知稠疊幾萬朶
如雲如綺如朝霞其下湖波浮淨綠魚鱗細蹙湘紋紗
澄碧齋詩鈔卷二

十一

其旁高柳遠垂覆野艇橫繫枯枝極長虹十丈天半起
錦市一帶烟中斜分明咫尺神仙境底用太華窮幽遐
我家住近西湖側會記曲院停輕槎曲院風荷西湖十景之一興來

自折碧筒飲栩栩直欲凌軒媧白蕩烟村亦清絕白蕩烟村

北墅八景之一荷花極盛旁有八角亭小亭八角雲周遮芒鞋白袷對花

坐時有老僧供新茶舊景倏作兩年別見花轉欲生咨
嗟徘徊欲去不忍去城頭烟暝飛烏鴉

重九前二日于編修鶴泉張檢討蟄存周檢

討蘭坡長發劉編修蘇村藻陳檢討星齋兆崙

杭編修堇浦世駿沈編修椒園廷芳齊檢討次

風召南劉編修繩菴綸諸鴻博前輩萬庶常星

鍾松齡

同年集寓齋公餞汪編修筠川

士煌前

輩省覲南旋卽席分韻得多字

三花廢騎擁鳴珂暫趁秋風出大羅
孝行公能敦古處文章世自重
詞科夢隨故里山川遠別近重陽
風雨多仙籍同年齊祖帳離筵許
和短長歌

寒聲颯颯振霜柯看把吟鞭拂玉珂
得路功名珍綵筆還山心跡謝烟蘿
星聯東井今宵聚詩補南陔去後歌
我亦高堂垂白髮團圞樂事讓公多

重九後十日堇浦前輩出示三月十二日同人集

紫丁香花下唱和諸什並索補作爲賦長句

好花如好友宜酒共晨夕有酒必有詩爲花增顏色長

澄碧齋詩鈔

卷二

上

安三月天氣和六街人滿探花屐朱白白爭鮮
新剽有丁香包未圻城南紫府神仙宅庭栽一本尤奇特天
公擊鼓細催開亂結珊瑚雜琥珀主人愛花兼愛友清
晨折柬招嘉客一朵花酬一首詩一首詩浮一大白人
生良會有前緣顧我不與數眞阨昨宵颯颯寒風吹紛
飛落葉滿堦積恍惚夢入瑤臺遊千片萬片晴雲擘明
璫玉珮璨纈紛隊隊仙姝出丹掖微覺鼻觀通奇香欲
前不前情脈脈謂余塵俗未湔除咫尺蓬萊弱水隔睡
醒門前剝啄聲出示新詩眩金碧不知花光與墨光滿
紙雲霞飛奕奕始悟花神眞有靈夜來好夢非虛擲有
酒不飲詩不成一誤再誤果誰責短歌續尾殊無賴聊

爲三春補闕額與花重訂隔年緣預祝東風莫狼藉

秋夜懷願齋嵩霞

可堪秋又老梧桐梅冷孤山鶴海東往日笑談蝴蝶夢
天涯蹤跡馬牛風爲尋舊札頻開篋欲寄新詩預截筒
雲樹迢迢烟水闊離懷無限月明中

方鏡次堇浦前輩韻

良工巧鑄鏡形方透徹中邊爛吐芒嬾就磨礱圭露角
平分虛白室生光雙瞳炯炯仙人眼半畝盈盈活水塘
世上模稜多半是臺端未許一同張

心自圓靈體自方更無纖翳但精芒俯窺大地因成象
稱傍仙壺好借光散落霜華飛石窟平流玉水溢銀塘

澄碧齋詩鈔

卷二

三

試看丰骨稜稜在未正衣冠莫漫張

生成質性秉剛方四角孤撐八朗芒倘玉橫陳臺煥采
如田對照面增光千尋瀑落廬山頂六幅裙拖湘水塘
神物由來須寶貴一回拂拭一回張

琉璃翠匣啓同方小篆盤龍吐古芒窗落月寒樞漏影
磚移日暖界流光全身合鏤冰爲骨照處疑堆雪作塘
好放雲山來戶裏倪黃幅幅畫圖張

廉隅砥礪不踰方嶽嶽丰裁作作芒小鑿井田呈古橈
輕磨粉壁發新光十分峭厲風生座四面空明水溢塘
如此向人肝膽照祇應常傍玉堂張

百鍊鎔成日角方森然冷面湛寒芒千秋宰相呈金鑑

丈室維摩現佛光飛落片雲橫石壁澄來匹練淨江塘
平生不作圓融態一任妍媸自主張

冰床

狂飈捲地來響若雷霆吼河水凍不流照耀琉璃透誰
能赤脚踏未許移船就土人運巧思方床小結構其長
約丈許規矩自駢湊編蘆當裊褥平頭取周裘一人拽
長繩負之趨而走坐客團女雲肩摩排左右熟若輕車
駕疾如怒馬驟順隨弱纜牽逆與勁風鬪往來斷復聯
雜還退且復我從岸上行顧盼勞頸脰常聞行路難到
處愁顛仆平地有波瀾險戲不可究何偷兩足安全身
寄寒溜轉眼春氣和斯斯瀉晴晝一朝或失足呼誰援
澄碧齋詩鈔卷二

十四

手救君子防未然古語恐非謬

澄碧齋詩鈔卷三

仁和 錢琦 瓊沙

山水屏間集

己未散館蒙

恩授職編修院署舊有六幅山水畫屏傳為故事余幸

得翔步其間珥筆摘華臣之職也敢辭不敏坐令

山水笑人寂寂已乎

散館紀

恩

九霄

丹詔下瓊臺鷓鴣分行拜舞來例比三年勤考績試憑

澄碧齋詩鈔卷三

兩藝細掄才廚

頌玉醴

恩叨渥座撤金蓮漏不催詔詩給燭曠典也紙落雲烟蠶食葉

文光煇煇燭魁台

九叩分班玉笏聯唱名次第給瑤箋黃綾裹匣

恩綸下

朱筆標題

御墨鮮作賦調爭諧律呂首題律呂相生賦為霖象果應山川

次題賦得山川獨慙下里巴人句屢藉春風送上天會試

出雲是日微雨朝考及今卷計凡三進呈矣

同周葯欄 玉章 盧石林 憲觀 郭韻清 肇鑽 馮靜山

秉仁 孫牧堂 宗溥 諸同年過海淀韻清作小遊

仙詩八首次韻

銀闕金庭玳瑁梁薰風細裊御爐香五雲深處羣真集
頂祝呼嵩拜玉皇

咫尺烟霄望不迷登臨到處覺天低峯迴徑轉三千丈
一朶青雲一級梯

闔苑瓊樓十二重碧窗朱戶曉雲封紫皇按位分排定
第一人居第一峯

蒼松翠柏與雲連虬護根株鶴宿巔聞說天家培植久
飫沾雨露已千年

太液波流閣道西垂楊萬樹綠痕齊不知何處傳呼急
澄碧齋詩鈔卷三

一陣香塵撲馬蹄

二

流水桃花世外春洞門深鎖靜無塵武陵一橈人間路
不是漁郎莫問津

垂髻青童負鋪行鬪來藥草不知名可容乞與籠中貯
幻作瑤華處處生

南箕北斗與中台下界憑人指點來記取罡風風引處
水波清淺是蓬萊

題曹謙齋 庭樞 詩卷後

海寧與秀水壇坫樹雄聲我浙多名士前賢畏後生聰
明冰雪淨風骨玉壺清已到文章妙何須老更成

一詩一境別一境一番新放眼空餘子冥心造古人祇

容標格過獨露性情真想見幽窗夜時聞泣鬼神

我來慙後輩

歐陽公寄梅聖俞詩云作詩三十年視予猶後輩

把臂入林中直

願低頭拜都教塵慮空大聲高蹙浪健力硬開弓洵有家風在才分八斗雄

雲霄咫尺路不遇未蹉跎名下無虛士卷中有好歌劍光騰寶匣珠采耀層波自古爲霖雨才資鴻筆多

消夏八咏次韻清韻

曝書

百城坐擁樂何如閒趁晴曛曝曲除紙片薄翻風細細墨花濃透樹疎疎烘春夢醒乾蝴蝶蒸暖香銷老蠹魚珍重晚間收拾好此中多有

澄碧齋詩鈔

卷三

三

賜來書

洗硯

古硯凹深墨積苔呼童攜洗小池隈雲堆雨勢蛟蟠去霧散烟香水遶迴信有文章生淨境冑教塵垢掩奇材從看滴露研朱細五色毫端次第開

貯冰

漫天灼灼火雲燒小貯壺冰傍竹寮映徹疎簾澄水月擊來如意碎瓊瑤向人心跡清雙絕共我頭銜冷一條午夢乍醒風習習不知何處有煩囂

插花

名花相對眼常青汲取新泉插膽瓶葉葉株香各各

疎疎密密影亭亭風吹殘瓣紅飛硯日透輕陰綠到屏
恐惹蝶蜂窗外擾碧樵多繫小金鈴

焚香

一角刁圭天上分微微薰火竹爐熏青絲裊出蛟螭影
碧篆縈成蝌蚪文暖遞琴聲風旖旎濃蒸花氣霧氤氳
捲簾自取南華讀鼻觀都教淨俗氛

試茗

紗帽籠頭興正長撥鑪自試雨前槍細翻活水松濤白
小綴名花菊蕊黃寒沁心脾一味苦濃回齒頰十分香
五千那有撐腸卷但博清風兩腋涼

剖瓜

澄碧齋詩鈔

卷三

四

多感園翁晚餉瓜一團寒綠映窗紗金刀斜剖初弦月
玉盃勻堆五色霞水乳交融清入骨冰霜細嚼冷侵牙
平生不解相如渴淡淡相遭味絕嘉

囊螢

爝火微微透草叢聚來雅稱碧紗籠吸殘星斗銀河外
收盡珠璣鐵網中照字細分雙炬赤隔窗遠映一燈紅
案頭雪與藜頭燄領取清光約畧同

對雨

空階滴秋聲幽響墮清曉濃雲低壓檐雨勢猶未了開
窗延衆綠生意清以竒整我架上書毋任蟬魚飽
飛電搜蛟螭破壁光呵欲雷霆助其銳空中亂敲磬銀

河波倒傾驚走小蝸蛤忽聞噪遠蟬清與雨聲答起視
屋頭樹一半斜陽匝

題謙齋畫梅竹小冊

知君手底擅奇姿詩筆凌雲健獨持幾點梅花千个竹
分明便是畫中詩

愛梅獨有林和靖愛竹無如王子猷却被風流都占斷
偶然落筆便雙鉤

題翟大川灑郊居圖

渚烟溪月外何處息塵機君住東皋下門開白板扉花
多釀酒美江近得魚肥想見幽棲好雲心澹不飛

曾記皋亭路春風幾度遊村疎多種竹港狹亦通舟酒

澄碧齋詩鈔

卷三

五

舍橋邊市人家水上樓他年鄰許卜擬住屋西頭

同藥欄石林靜山牧堂諸同年集陶然亭分韻得

山字

一徑禪房曉不關雙輪結隊到亭間籬邊對菊真同瘦
院裏逢僧暫得閒荻作雪鋪全蓋水樹經霜脫不遮山
人生良會知多少醉倚斜陽未肯還

題姚小坡

立意

秋柳圖卽送其歸杭州

春來著地綠條條日送行人過板橋今日舞腰消瘦盡
一枝空對夕陽描

啼烟泣露影窈窕零落西風冷不堪一路爲君攀折去
直傳秋信到江南

同人重集陶然亭分韻得秋字

未盡登臨興，城南續舊遊。
眼驚三迳晚，心醉一林秋。
野曠看宜月，亭高倚似樓。
忽吹風颯颯，鴈起荻花洲。
南苑大閱恭紀

貞元五百

帝圖昌赫濯，聲靈震遠方。
萬里河山常鞏固，九圍風教盡平康。
治臻景運銷兵氣，時際農閒豫武防。
冬狩雅循周制度，上林詳記漢文章。
地當

南苑鳴鸞近律轉，黃鐘測景長。

仙仗光搖林雪霽，綵

旂風捲嶺梅香。勾陳衛士雄貔虎，內殿良材騁驍驍。

十

二羽林犀作甲三千太乙貝，爲裝營排雁翼齊。

陳列陣

六

澄碧齋詩鈔卷三
結魚麗各就行，金勒馬盤紅。叱撥鐵衣人，按綠沈槍春

雷。出地搖山勢，寶劍凌霄射斗光。三面網開驅白鹿，六

鈞弓彀獲黃羊。

宸遊不爲從禽樂，士氣多因習戰揚。仰觀軍容真整服

拜聆

天語更琳瑯

德威較比兵威肅，武事欣同文事張

盛世太平隆，典禮媿無絲筆賦。長楊

上元夕靜山招同葯欄石林牧堂諸同年小集卽

席分咏市燈得人兒燈二首

略費剪裁力，居然骨格成。靈犀通一點，藜火照三更。宿

殼蟬枯脫空光佛定明雅餘清典在簫鼓伴行程
一歲一回見無人識姓名衣冠多古樸心竅盡空明頭
慣朱衣點身眞飛燕輕洛陽聲價貴笑指是前生

題陶序東

鑄

同年於湖歸觀圖卽送其南旋次雷

別原韻

東風吹動故園情

玉闕朝辭畫錦行名士清才喧館閣仙人歸路近蓬瀛
桃花兩岸春波闊柳葉千絲翠澗平寂靜篷窗帆美滿
南陔一卷補新成

每愁春去畱難住不道君歸更在先碧草一湖畫裏路
白雲千里夢中天人傳詩句元才子自溯家風陶水仙
澄碧齋詩鈔卷三
想見到時重舞綵庭階散滿袖香烟

春雨

屋角寒鳩取次呼東風料峭雨模糊勒將春色三分去
方巨山詩勒將
春去許多雨洗到塵埃半點無老樹醒芽花信息濕
泥營壘燕工夫晚來忽放斜陽影歷歷青山入畫圖
今年屢負探春約對雨應教觸撥愁曉霧壓窗樞透濕
晚雲移榻夢驚秋賞時直欲尋茅屋聽處偏宜臥小樓
九十風光還半在閒情未肯逐東流

謙齋次和疊用前韻

纔聽濛濛聲鴉鳴呼又看漠漠雨模糊淡烟着地青微滴
濃墨烘山翠欲無細剪漁蓑披釣艇屢移花鋪走園夫

流光暗逐春光老行樂應須及早圖

久晴不覺蹉跎過一雨旋生寂寞愁雲壓曉光低欲暮
風添寒意急如秋鶯嫌柳重頻啼樹人惜花飛獨倚樓
却憶江南春更早早山溪處處綠波流

謙齋復和再疊前韻

響滴空堦夢裏呼石苔如錦碎漫糊鶯看草色青濃甚
愛聽蕉聲綠展無好友聯床閒境界片雲催句急工夫
憑誰記取逃離景畫幅南宮潑墨圖

細逐春風蕩蕩浮倚欄相對日凝愁欲爲花洗繁華質
不道春成冷淡秋簾卷濃陰沈畫閣嵐蒸濕翠入書樓
畱將新溜虛檐下滴滴波光拂檻流

澄碧齋詩鈔

卷三

八

清明日雨三疊前韻

便擬扁舟郭外呼何堪朝雨復糝糊花明村店紅殘未
水拍河橋綠漲無踏翠人應虛酒舍占晴諺已錯耕夫
諺云清明要晴穀雨要雨等閒百五匆匆過春事渾如九局圖

屢因春雨誤春遊況值佳晨那禁愁青已洗開楊柳眼
紅將濕到海棠秋賣餠聲斷村村市試火烟遲處處樓
回首西湖三載別讓他簫鼓占風流

同何克思

其睿

林青圃

枝春

王晉川

會汾

觀補亭

保

任念齋

端書

諸同年豐臺看芍藥

平生除看花萬事都可掃何爲住京洛此意常草草朝
來不速客艷說豐臺好婪尾殿餘春春殘花應惱如癢

思爬搔忽得麻姑爪雙輪踏軟紅一逕入幽杳是時宿
雨收天宇澄虛島野水皺如羅遠山淨似澡閣閣鳴私
蛙嚶嚶啼時鳥便覺意境殊已絕風埃擾狂香匝地逢
雲霞互繚繞高下栽成田餐供老饕飽諸公團如雲花
氣襲衣縞舉酒爲酌花拚醉花前倒我本惜花人探花
悔不早自罰須深杯敢言飲戶小醉眼漸模糊妍姿轉
窈窕潔如白玉盤艷如紫羅襪高如樓臺重翩如鶴
矯毘邪現空虛羣真集瑤島日映光沖融烟霏香娜嫋
那數廣陵奇時驚造化巧便擬連根移翻堦伴昏曉不
則任意摘插向瓶鉢老花猶未點頭夕陽墮樹杪恍惚
夢中遊覺後記了了呼童裁短箋題詩當畫橐

澄碧齋詩鈔

卷三

九

寄顯齋

謝公得好句迺在春草池君今池畔住定有夢中詩流
水小橋外東風微雨時不知吟卷裏多少寫離思

徐潤亭

以炳

少司成邀同查雲在

祥

前輩暨六長

應衡

歲初

履端

兩昆仲遊西山碧雲臥佛諸寺

余以事阻未獲追陪歸示紀遊唱和詩奉次原

韻

挈伴尋春出郭西詩囊酒榼小童攜寺橫雲碧遮山斷

橋臥龍青壓水低

道經青龍橋

似解迎人花自笑何來喚客

鳥頻啼垂楊芳草東風裏一路香塵撲馬蹄

羣季風流玉筍班清涼福地共躋攀觀空道印心心佛

卽景詩題寺山花落野溪流水急樹穿危石古苔斑
歸勞好境從頭說挽得春風破俗顏

眼看春雨簇春還剩有餘春樂意關遊伴兩三人在畫
好峰八九翠如鬟佛忘夢覺身常臥官到神仙趣得閒
却怪罡風吹太急蓬萊咫尺隔塵間

世機那得定中消一種佳遊足避囂石骨寒分詩骨瘦
泉聲清咽馬聲驕散開花市三千界參透禪門八萬條
我亦烟霞有夙癖他時置酒有重招

浴象

六月上旬初入伏滿城喧傳象出浴宣武門外玉河西
迢迢兩岸柳陰綠一匹先從橋畔來千人萬人齊劃開
澄碧齋詩鈔卷三

十

有如飲馬長城窟欲落不落波喧厖三匹五匹走絡繹
轉渦度壑恣浮沒長牙利觸浪花腥圓紋小露鰲鼉脊

白菊

素娥青七種年芳白竹花枝門曉妝日影凄迷
荒蕪成曉節原重愧到殘秋別有香惆悵
言相對委陶家風味小為誇

次背熱
埋長鈎

思龍愁

馬塵飛

甲中鍾

玉女嬉嬉下九天備能那後事丹鉛清綠未許人同
瘋危相雜御神也憐肺之透荒荒

玉階薜翠碧袖苔青越頂騰風鶴履仙仙極
又弱風晴一處多宜傍中流一任人喧曉

翠手履香著羞顏在夕星他日倘逢彭澤令空教一約解芳襟

一徑尋幽寺危樓架碧空萬山齊拱北三殿正臨東把

卽景詩題寺山花落野溪流水急樹穿危石古苔斑
歸勞好境從頭說挽得春風破俗顏

眼看春雨簇春還剩有餘春樂意關遊伴兩三人在畫
好峰八九翠如鬟佛忘夢覺身常臥官到神仙趣得閒
却怪罡風吹太急蓬萊咫尺隔塵間

世機那得定中消一種佳遊足避囂石骨寒分詩骨瘦
泉聲清咽馬聲驕散開花市三千界參透禪門八萬條
我亦烟霞有夙癖他時置酒肯重招

浴象

六月上旬初入伏滿城喧傳象出浴宣武門外玉河西
迢迢兩岸柳陰綠一匹先從橋畔來千人萬人齊劃開

澄碧齋詩鈔

卷三

十

有如飲馬長城窟欲落不落波喧厖三匹五匹走絡繹
轉渦度塹恣浮沒長牙利觸浪花腥圓紋小露鰲鬚脊
最後一匹更英雄掉尾一躍如驚鴻毋乃將軍從天下
重圍衝突波濤中是時正值驕陽烈火雲燎天炙背熱
忽然昂鼻一長噓捲落晴空千尺雪蠻奴舒臂運長鈎
盤旋疾舞風颼颼翻身入水出象背騰躍趨捷魚龍愁
須臾重整黃金絡錦韉雕鞍光燦燦六街人散驚塵飛
紅露斜陽樹罅落徐行按節何逍遙鼓吹如奏軍中鈔
天子勤政方坐朝五雲仗下待爾扶雲輅

九日同克思石林登毘盧閣

一徑尋幽寺危樓架碧空萬山齊拱北三殿正臨東把

卷三

此詩見於
澄碧齋詩鈔
卷三
十

酒酬佳節開窗坐晚風有人下界望指我在雲中
天空清似洗一碧望無涯木落山山瘦雲開雁雁斜香
迷陶令逕秋老梵王家未盡登臨興典城頭集暮鴉

次克思重陽後一日作原韻

多才何水部日日愛清吟已過重陽節猶耽秋思深西
風一夜急落葉滿堦陰除却東籬菊無人會此心
登高記昨日古寺共徘徊斷鴈風迎送寒花霜翦裁雲
山千里迴懷抱一樽開我亦秋多興慙非作賦才

鄭筠谷

江

前輩移疾歸同鄉同館公餞賦詩送別

文芒朗映五雲紅領袖仙班列絳宮一代聲華台斗上

雙清心跡玉壺中委形躔學陶彭澤先生時患足疾白香山足疾詩應須

澄碧齋詩鈔

卷三

十一

學取陶彭澤但委心形任去留把卷仍如陸放翁放翁足疾詩暮歸仍未倦把卷繞前除

祇恐木天資柱砥尊鱸未許戀江東

春明門外綠蕭蕭競唱驪歌折柳條歲出科名看幾輩

資深館閣歷

三朝長筵禮肅風何古鄉語人多酒易消我是詞林最

後進玉堂典故熟今朝館闕舊例前後輩凡遇宴會儀注森然廢棄久矣是日舉行一

時傳爲佳話

迢迢鄉夢繞雲廬正是霜寒露冷初開到黃花秋意倦

照殘紅樹夕陽疎自排永叔歸田錄誰續溫公資治書

先生時纂修明史想見江南桃李滿有人一路輦籃輿

履聲遙聽過錢塘千里雲山入錦囊意興豪於蘇玉局

鬚眉古比魯靈光湖堤花柳爭迎客洛社耆英會舉觴
長此調和元氣轉陽春筋骨日添強

師白軒咏菊呈潤亭前輩

昨夜西風破曉寒秋光一片繞闌干淡中香色閒中味
不許人間熱眼看

瘦骨偏教耐久長宜晴宜雨亦宜霜直須晚節常培好
接引梅花一瓣香

月夜獨坐寄懷願齋嵩霞

砧聲未斷漏聲殘四壁蛩吟唧唧寒明月半窗孤似客
西風一夕冷於官詩情暗逐秋情淡花意多隨雨意闌
長憶故人三載別海天雲樹思漫漫

澄碧齋詩鈔

卷三

三

小時曾共守蝸廬別後差池燕燕如忽漫相逢惟有夢
常疑卽見反無書霜寒濃染楓林濕風急斜吹雁陣踈
料得清光南照處寂寥一樣對窗虛

悼亡

牛衣對泣記當初破壁殘燈伴讀書無米作炊煩婦巧
不材何用笑予疎相期挽鹿車猶在誰道齊眉案竟虛
一覺十年前夢醒輸他比日是雙魚

乖過黔婁了不思入門便典嫁時貲逢春苦燕空營壘
到死憐蠶尚吐絲瘦對鏡臺愁小婢誤投藥餌恨庸醫
豈真福命生來薄欲向蒼蒼一問之

貧家況味久同諳今日衷腸孰共談蝴蝶淒涼魂栩栩

芙蓉憔悴影參珍慧心死後終成佛恨事生前未得男
慙愧一條冰冷署累他三載別江南

靈風肅肅影茫茫塵壓羅帷簾冷床望我有心應化石
返魂無術漫尋香半窗明月詩成讖前有明月半窗百
孤似客之句疊愁雲鏡破光遺得手中金線在可堪零亂不成行

妻弟魏夏初題以外舅外姑兩大人遺照郵寄屬

題敬成短句感舊述懷不知是淚是墨也

衣冠何肅肅環珮何鏘鏘兒孫羅庭下濟濟拜高堂高
堂不可見涕淚沾衣裳郵書遠致詞云余附子行父行
與母德平生熟且詳接書從頭讀未竟神先傷繫余本
弱植小小不自量七歲出就傅讀書聲琅琅十三弄柔

溪碧齋詩鈔

卷三

三

翰跌宕少年場十四應科試劔刃淬新鋸便思力造古
恥學時世妝無端家中落意外罹苛殃氣類乏援引衣
食恣奔忙捉襟或露肘舉火時虛糧俯仰但破壁風雨
增淒涼遂遭薄俗棄冷暖紛探嘗顧我性倔強催折氣
益張自嘲還自解仰看天蒼蒼身也開青眼姑也抱熱
腸衆中特物色坦腹畱東床容我禮數略縱我語言狂
一日三見面猶嫌迹參商同時五七輩非笑雜雌黃掉
頭不肖顧珍愛逾尋常何爲天不憖老成遽凋戕舅姑
相繼歿地下從翱翔感恩與知己回首空茫茫一飯期
必報矢志力縹緲卯榜登賢書丁年侍明光琴絃最和
協鴻案常相莊圓鏡復破碎隻影空徬徨取書一再讀

不覺情悵惶短歌聊當哭嗚咽不成章報書轉相勗努
力期騰驥天心不可問要將人事償騏驎空冀北鳳凰
鳴高岡慰茲泉下心此道須堅強余才媿譚劣學殖況
已荒父行與母德畱待爾顯揚謂余言不然持質靈在
旁

澄碧齋詩鈔卷三終

澄碧齋詩鈔卷三

十四



03531

